

ԳԱՆՉԱՍԱՐԻ ԿԱԹՈՂԻԿՈՍՈՒԹՅՈՒՆԸ ՊԵՏՐՈՍ ԽԱՆՉՔԵՑԻ
ԿԱԹՈՂԻԿՈՍԻ ՕՐՈՔ (1653–1678թթ.)

Լ.Ա.ՍԿՐՏՈՒՄՅԱՆ

XVI–XVII դդ. թուրք-իրանական պատերազմները մեծ հարված հասցրին Հայաստանին: Երկիրը ավերակների էր վերածվել: Այս պատերազմները ծանր անդրադարձան նաև Հայ Առաքելական եկեղեցու վրա, որը պատմական հանգամանքների բերումով դարձել էր Հայ ժողովրդի իղձերի արտահայտիչն ու առաջնորդը: Դա շատ լավ ներկայացրել է Առաքել Դավրիժեցին՝ դրելով. «Քանզի ի վերայ Աջոյն և էջմիածնի ամենայն ազգն Հայոց կապեալ կան»:

Ճգնաժամ էր ապրում նաև Հայ Առաքելական եկեղեցու չորս ճյուղերից մեկը՝ Գանձասարինը, որի հիմնադիրը Գրիգոր Լուսավորչի թոռ Գրիգորիս եպիսկոպոսն էր, որ Հայաստանից Ազվանք գալով՝ կրոնական քարոզչություն էր ծավալել և 338թ. մազքուլթների Սանատրուկ Արշակունի թագավորի հրամանով նահատակվել էր ու թաղվել Ամարասի վանքում:

Դվինի 551թ. եկեղեցական ժողովից հետո այս եկեղեցու հայրապետները կաթողիկոսական տիտղոս ձեռք բերեցին: Ստեղծվեց Ազվանից կաթողիկոսությունը, որի հայրապետները ստորադաս լինելով Հայոց կաթողիկոսին, կրում էին «Կաթողիկոս Ազվանից, Լիֆնաց և Չողա» տիտղոսը: Ազվանքը Հայոց Արևելից կողմն էր՝ Ուտիքի ու Արցախի նահանգները և Կուր գետից արևելք ընկած բուն Ազվանքը: Լիֆնիքը Ալազան գետի վերին ավազանն ընգրկող տարածքն էր: Իսկ Չողը կամ Մազքթագ աշխարհը գտնվում էր բուն Ազվանքից արևելք՝ մինչև Կասպից ծով (հետագայում Ղուբայի խանություն):

Ազվանից առաջին կաթողիկոսը Աբասն էր (552–596):

1240թ. սկսած բարձրանում է Արցախի ինչնե գավառի առաջնորդական կենտրոն Գանձասարի վանքի եպիսկոպոսության հեղինակությունը, որի հետ ավելանում է նաև նրա ազդեցությունը:

Խաչենում տիրող Հասան-Ջալալյան իշխանական տոհմի ներկայացուցիչներին հաջողվել էր ոչ միայն իրենց ձեռքում կենտրոնացնել ինչնեի աշխարհիկ իշխանությունը, այլև տիրանալ ինչնեի առաջնորդական գավազանին:

XIV դ. վերջին Ազվանքի կաթողիկոսական աթոռին տիրացած Հասան-Ջալալյանները կաթողիկոսանիստը վերջնականապես տեղափոխում են ինչնե և հաստատվում Գանձասարի վանքում:

XVII դ. սկզբին Մովսես Տաթևացի (1629–1632) և Փիլիպոս Աղբակեցի (1632–1655) գործունյա կաթողիկոսների վերանորոգչական ջանքերի շնորհիվ ամրապնդվում են էջմիածնի կաթողիկոսական աթոռի քաղաքական, տնտեսական և հասարակական դիրքերը:

Ի տարբերություն էջմիածնի՝ Գանձասարի կաթողիկոսությանը չհաջողվեց հաղթահարել ճգնաժամը: Օգտվելով Գանձասարի կաթողիկոսության թուլությունից՝ Փիլիպոս կաթողիկոսին հաջողվեց 1634թ. ձեռք բերել Շահ Սեֆիի հրովարտակը, որով բուն Ղարաբաղը տրվում էր էջմիածնին, իսկ

¹ ՄԱՀտոցի անվան Մատենադարան (այսուհետև՝ Մատենադարան), ձեռ. 2776, էջ 267բ–268ա:

ներա կաթողիկոսին պետք է հանձնվեր այստեղ հավաքվող հոգևոր աշխատուորքը: Այս հրովարտակի հավաստի լինելը ապացուցվում է Փխիսկյան Աղբյուրից կոնդակով, որում Փխիսկյան կաթողիկոսը գրում է, որ տեղի է հրաբերողի մեկնությունում գտնվող եղիշե առաքյալի վանքը ալիք, խեղ երան պատկանող գյուղերը՝ անառաջնորդ և անհովիվ: Նույն կոնդակով էա գն կիրակոս վարդապետի նշանակում է սույն վանքի առաջնորդ: Եղիշե առաքյալի վանքի առաջնորդ եպիսկոպոսը ավանդաբար նշանակվում և հնթարկվում էր Գանձասարի կաթողիկոսին: Էջմիածնի կողմից այս վանքի առաջնորդին նշանակումը ակահայտորեն ցույց է տալիս, որ Գրիգոր Հասան-Ջալալյան կաթողիկոսը կորցրել էր վերահսկողությունը նույնիսկ Խաչենին (որտեղ գտնվում էր Գանձասարի վանքը) հարևան Ջրաբերդի մեկնությունում գտնվող վանքի նկատմամբ: Էջմիածնի դեմ այս պայքարը դրամական մեծ ծախսեր էր պահանջում Գրիգոր Հասան-Ջալալյան կաթողիկոսից (1634-1653), և քանի որ Գանձասարի հարուստ թեմերից հողերը տուրքեր չէին ստացվում, Գրիգոր կաթողիկոսը սկսում է սլարտքով գումարներ վերցնել: 1650թ. հրապարակվում է Դաւ Արքայի Բ-ի հրովարտակը, որով Դամախին տրվում է Էջմիածնին: Դամախու թեմը Գանձասարի կաթողիկոսության ամենահարուստ թեմերից մեկն էր, և այստեղից ստացվում էին զգալի եկեղեցական տուրքեր: Դամախու թեմի կորուստը անհանդարտացնում է Գրիգորի պարտաւերերին, որոնք պահանջում են վերադարձնել պարտքերը: Գրիգոր կաթողիկոսին չի հաջողվում պարտքերը լրիվ հատուցել, և Գանձակում նստող Ղարաբաղի բեկլարբեկ Մուրթուզա-վուլի խանը պարտաւերերի պահանջով նույն թվականին րանտարկում է կաթողիկոսին: Գրիգոր կաթողիկոսը աղատ է արձակվում միայն այն պայմանով, որ դեռևս իրեն ենթարկվող թեմերում, ժողովարարություն անելով, մարի պարտքը:

Այս ամենին գումարվում է Գանձասարի կաթողիկոսության ներսում ծայր առած կրկնառանկության պայքարը:

Կաթողիկոսանիստ Գանձասարի վանքի միաբանները Պետրոս եպիսկոպոսի դիտարկությամբ պահանջում են Գրիգորից՝ հրաժարվել կաթողիկոսությունից՝ պատճառաբանելով, որ Հասան-Ջալալյանները Գանձասարի կաթողիկոսական աթոռը վերածել են ժառանգական սեփականության:

Պետրոս եպիսկոպոսը Ղարաբաղի դավառներում աջակցություն է ստանում. «Յարհան և կուսակիցք նորա (Պետրոսի-Լ.Մ.) բազում ի միաբանից Գանձասարայ և ի ժողովրդոց Արցախայ դավառակացն՝ Վարանդու, Գիւլիստանու և Ջրաբերդու: Վիշտս ոչ սակաւ հասուցին կաթողիկոսին Տէր Գրիգորի, յորմէ նուազել սկսաւ միաբանութիւն Գանձասարայ և անշքանալ Աթոռն կաթողիկոսական»²: Թեև Պետրոս եպիսկոպոսի և նրա կողմնակիցների նկրտումներին վերջ տալու և նրանց սանձելու համար է Գրիգորը դիմել Դաւ Արքայի Բ-ին, որը հիշրայի 1062թ. ջոմադ արշանի ամսին

² Մատենադարան, Կաթող. դիվան, թղթ. 1ա, վավ. 57:

¹ Մակար Ռարխուսարեանց, Պատմութիւն Աղուանից, Արցախ, Բաքու, 1995, էջ 48-49:

² Մատենադարանի պարսկերեն վավերագրերը, Հրովարտակներ, սրբ. Բ, կազմեց Հ. Դ. Փախադյան, Ե., 1959, վավ. 42, էջ 147, 148:

³ Հայերեն ձեռագրերի փ: զարի հիշատակարաններ (1611-1660), Հ. Գ, Ե., 1964, էջ 411:

⁴ Վարդան արքեպիսկոպոս Օձնեցի, Պատմութիւն Հայոց, Մատենադարան, ձեռ. 4331, էջ 9ր:

⁵ Նույն աեղում:

(1651թ. մայիսի 10-հունիսի 8) տրված հրովարտական վերստին Գրիգորին Հաստատել է Գանձասարի կաթողիկոս՝ հրամայելով հնազանդվել նրան: Հրովարտական մասնավորապես ասվում էր. «Թող Գրիգոր կաթողիկոսին իրենց ավագ համարելով այդ հոգևոր պաշտոնը նրան պատկանող համարվի»:⁷ Սակայն այս հրովարտակր Գրիգոր կաթողիկոսի դիրքերը չամրապնդեց:

Գանձասարի կաթողիկոսության հիմքերը խարխուղ այս պայքարին վերջ տալու նպատակով Գրիգոր Հասան-Ջալալյան կաթողիկոսի կողմնակիցները ստիպված էին դիմել գիշտմաների և փոխհամաձայնության եղբեր փնտրել Պետրոս եպիսկոպոսի հետ:

Խաչենի մելիք Աթարեկ Հասան-Ջալալյանի նախաձեռնությամբ համաձայնություն կայացվեց, ըստ որի, Պետրոսը դառնում էր Գրիգոր կաթողիկոսի որդեգիրը և դրանով՝ նաև Հասան-Ջալալյան տոհմի անդամը: Գրիգորի մահից հետո Գանձասարի կաթողիկոսական աթոռին նստելու էր Պետրոսը: Վարդան Օձնեցին իր «Պատմութիւն Հայոց» աշխատությունում մեջ է բերել Պետրոս եպիսկոպոսի եղանակները, որի տակ իրենց կնիքն են դրել Մելիք-Աթաբեկ Հասան-Ջալալյանը և Գրիգոր կաթողիկոսի կողմնակից երեք եպիսկոպոսներ. «Հառաջի Աստուծոյ և սբ. Աշոյն Գրիգորիսի և սբ. Աթոռոյս Գանձասարայ ես՝ Պետրոս եպիսկոպոս, որդիութեան գիր տուի Գրիգոր կաթողիկոսին, որդի և ժառանգ լիցիմ նմա: Ոչ միայն հոգևոր հօրն, այլ եղբայրն նորա, իմ լիցի եղբայր և ի կենդանութեան իմում տացից (կաթողիկոսությունը-Լ.Մ.) եղբոր որդոցն իմոց: Գրեցաւ թուին Ռժ և մեկին (1652թ.)»:⁸

Սրանով Պետրոս եպիսկոպոսը, որը ծնունդով Վարանգա գավառի Հյուսիսում գտնվող Խանձք գյուղից էր⁹, դառնում է Հասան-Ջալալյան տան որդեգիրը և արդեն որպես Հասան-Ջալալյան տոհմի անդամ իրավունք է ստանում փոխարինել իրեն որդեգրած Գրիգոր կաթողիկոսին՝ Գանձասարի կաթողիկոսական աթոռին: Որդեգրման այս ակտով, փաստորեն, Գանձասարի կաթողիկոսական աթոռին Հասան-Ջալալյանների ժառանգական իրավունքները ճանաչվում էին, և Հասան-Ջալալյան տոհմի կաթողիկոսների հերթագայությունը չէր ընդհատվում: Պետրոսը պարտավորվում էր նաև իր մահից առաջ Գանձասարի կաթողիկոս օծել միայն Հասան-Ջալալյան տոհմի ներկայացուցչին. կաթողիկոսությունը «տացից եղբոր որդոցն իմոց»: Այս աղբյուրը հայտնում է, որ կնքված համաձայնությունից հետո երկպառակությունը դադարում է, Գանձասարի կաթողիկոսությունը վերագտնում է կորսված հեղինակությունը և հարստությունը. «յետ այսորիկ կացեալ Գրիգոր կաթողիկոս խաղաղութեամբ՝ հարստացեալ ընչիւքն և միաբանօք»¹⁰: Իր «Պետրոս Խանձքեցի» հոդվածում¹¹ Բագրատ Ուլուքաբյանը գրում է, որ Պետրոսը Գանձասարի կաթողիկոս էր դարձել 1647թ. և Հասան-Ջալալյանների՝ Խանձքում բնակված ճյուղից է: Վերը հիշատակված որդեգրման ակտը թույլ է տալիս պնդել, որ Պետրոսը չէր պատկանում Հասան-Ջալալյան տոհմին: Ինչ վերաբերում է Պետրոս Խանձքեցու կաթողիկոս օծելու՝ Բ. Ուլուքաբյանի նշած թվականին (1647), ապա չվիճարկելով այն՝ կարող ենք ենթադրել, որ Պետրոս Խանձքեցին կարող էր

⁷ Սարգիս Զալալեանց, Ճանապարհորդութիւն ի Մեծն Հայաստան, մաս Բ, Տփլիս, 1853, էջ 488-489:

⁸ Մատենադարան, ձեռ. 4331, էջ 10ա:

⁹ Նույն տեղում, էջ 10ա-10բ:

¹⁰ Դիվան Հայ վիճաբուրության (այսուհետև՝ Դիվան), Արցախ, պր. V, Ե., 1982, էջ 143:

¹¹ Մատենադարան, ձեռ. 4331, էջ 10բ:

¹² Հայկական Սովետական Հանրագիտարան, Հ. 9, Ե., 1983, էջ 258:

Հակաթու կաթողիկոս ընկել Հասան-Ջալալյան Գրիգոր կաթողիկոսից դժգոհ հայկականների կողմից:

Դեռևս կենդանության օրոք Գրիգորը կաթողիկոս է օծում Պետրոս հայկականին, որը նրա վախճանվելուց հետո 1663թ. Աբգաս Բ-ի Հրովարտակով Հաստատվում է Գանձասարի կաթողիկոս: «Բարվոք ճոխութեամբ Հանգալ ի Քրիստոս, թողևալ յաջորդ իւր Պետրոս եպիսկոպոս, որ և կարգեալ էր ի կենդանութեան իւրում, որ Հաստատեցաւ կաթողիկոս Գանձասարայ Հրովարտակաւ Շահ-Աբգաս Երկրորդի ոչ միայն ի վերայ մասին, այլ բոլոր Աղուանից՝ Գանձակայ, Շաքուայ, Շիրուանայ, ի թուին Տաճկայ 1073»¹³: «Կարդան Օձնիցին, չնչելով Գրիգորի մահվան թվականը, Հայտնում է, որ նրա մահից հետո, Հիջրայի 1073թ. (1663թ.) Աբգաս Բ շահը Պետրոսին Հաստատում է Գանձասարի կաթողիկոս:

Երևանի Մասենադարանում պահվող վավերագրից մեկում տրված է Գանձասարի կաթողիկոսների ցուցակ¹⁴, որտեղ Պետրոս կաթողիկոսի դաժակալման սկիզբ է նշված 1653 թվականը:

Հովհաննիս Շահխաթունյանի՝ Գանձասարի կաթողիկոսների ցուցակում էլ Պետրոս կաթողիկոսի նվիրատվության սկիզբ է նշվում 1653 թվականը:

Այսպիսով, եթե Պետրոսը կաթողիկոսի Հոգևոր պաշտոնը ստանձնել է Գրիգորի մահից անմիջապես հետո, ինչո՞ւ է Շահ Աբգաս Բ-ն նրա Հաստատման Հրովարտակը արձակել Հիջրայի 1074 թվականի սաֆար ամսին (Գրիգորյան տոմարով 1663թ. սեպտեմբերի 4-Հոկտեմբերի 3)¹⁵, այսինքն, Գրիգորի մահից և Պետրոսի՝ Գանձասարի կաթողիկոսական աթոռը ղրաղեցնելուց 10 տարի անց:

Իսկոնյանի Ղարաբաղի Հանրապետության Ասկերանի շրջանի Շոշ գյուղի Ուուր Սանիունոսի եկեղեցու Հյուսիսային մուտքի բարավորի վրա գոյություն ունի Հետիյալ բուխնդակությամբ արձանագրություն. «Շինեցուք զսուրբ Ամենսիրկիչ եկեղեցիս յիշատակ Հոգւոց մերոց և ննջեցելոց ի Հայրապետութեան Աղուանից տեառն Երեմիայի ... Թուին էր ՌձԴ (1655թ.)»¹⁷: «Կայալուծվող Երեմիա Հայրապետը Գրիգոր կաթողիկոսի հղբորորդի Երեմիա Հասան-Ջալալյանն է, որը միայն 1675 թվականին է (այսինքն՝ Պետրոս կաթողիկոսի մահվանից հետո) Շահ-Սուլեյմանի կողմից կաթողիկոս Հաստատվել: Վերջինիս Հրովարտակում ասվում է, որ Հաստատման Հրովարտակ ստանալու Համար շտհին ներկայացած Երեմիան Հայտարարել է, թե իր Հորհրդայր Գրիգորը մահից առաջ «իր անչափաՀաս լինելու պատճառով կաթողիկոսությունը Հատկացվել է Պետրոս կաթողիկոսին»¹⁸:

Այս տվյալներից կարելի է եզրակացնել, որ Գրիգոր կաթողիկոսի մահից հետո Պետրոսի կաթողիկոսության սկիզբն այնքան էլ Հանգիստ ու Հարթ չի եղել: Ամենայն Հավանականությամբ, Հասան-Ջալալյան տոհմի այն ներկայացուցիչները, որոնք դժգոհ էին 1652 թվականին կայացած Համաձայնությունից, և Պետրոսի Հակառակորդ մի շարք Հոգևորականներ փորձել են Պետրոսին Հակառակ առաջ քաշել Հասան-Ջալալյան Երեմիային: Պետրոս կաթողիկոսին Հաջորդվել է ստանալ Ղարաբաղի բեկլարբեկ և Գանձակի խան

¹³ Նույն տեղում:

¹⁴ Մասենադարան, Կաթող. դիվան, թղթ. 240, վավ. 132:

¹⁵ Յոհաննէս եպիսկոպոս Շահխաթունեան, Ստորագրութիւն կաթողիկէ Էջմիածնի և Հինգ զավատացն Արարատայ, Հ. 2, Էջմիածին, 1842, էջ 334:

¹⁶ Մասենադարան, Կաթող. դիվան, թղթ. 2ա, վավ. 58բ:

¹⁷ Դիվան, արձանագրութիւն 495, էջ 145:

¹⁸ Մասենադարան, Կաթող. դիվան, թղթ. 241, վավ. 201 (ոտ սերեն պատճեն):

Մուրթուզա-Ղուլի խանի աջակցությունը, որը հիշրայի 1066թ. ջուլադի ալ ավալ ամսի (1656 թվականի փետրվարի 26-մարտի 27) հրովարտակով հրամայել է Ղարաբաղի, Գանձակի և Շիրվանի մելիքներին, քյադդուսուդաններին և ավադներին՝ Գանձասարի կաթողիկոս ճանաչել Պետրոսին¹⁹։ Չնայած այս հրովարտակի հետևանքով Գանձասարի կաթողիկոսական աթոռի նկատմամբ Երեմիա Հասան-Ջալալյանի նկրտումները մեծ հարված են ստացել, և մինչև 1675 թվականը Երեմիան որպես կաթողիկոս այլևս չի հիշատակվում, սակայն Սպահանի շահական դիվանը Պետրոսին ավելի հնազանդ դարձնելու, Գանձասարի կաթողիկոսության կախումն ուժեղացնելու համար Պետրոսի՝ Գանձասարի կաթողիկոս Հաստատելու հրովարտակի հրապարակումը 10 տարի ձգձգվել է։ Մուրթուզա-Ղուլի խանի հիշատակված հրովարտակը ուղղված էր ոչ միայն Ղարաբաղի, այլև Գանձակի և Շիրվանի հայ մելիքներին, քյադդուսուդաններին և ավադներին։ Սրանից հետևում է, որ տեղական իշխանությունը, հանձին Մուրթուզա-Ղուլի խանի, ճանաչում էր Գանձասարի հոգևոր իշխանությունը ոչ միայն Ղարաբաղում, այլև Գանձակում և Շիրվանում։

Պետրոս կաթողիկոսի հաջորդ քայլը պետք է լիներ այդ թեմերի նկատմամբ Գանձասարի կաթողիկոսության հոգևոր իշխանության հաստատումը (Իրանի կենտրոնական իշխանության՝ շահի կողմից)։

Արքայա Բ շահի կողմից Գանձասարի կաթողիկոս Հաստատելուց շուրջ 8 ամիս անց՝ 1664 թվականի դարնանը, Պետրոս կաթողիկոսը մեկնում է Թեհրան, որտեղ այդ ժամանակ գտնվում էր շահը, և նրանից հրովարտակ ստանում, որով Ղարաբաղի հետ մեկտեղ Գանձակի և Շիրվանի թեմերը նույնպես տրվում էին Գանձասարին։ Հրովարտակում ասվում էր. «Գանձասարի աթոռի հայերի խալիֆա (կաթողիկոս) Պետրոսը ներկայացավ բարձրագույն աստյան և խնդրագրով հայտնեց, որ հնուց Ղարաբաղի, Գանձակի, Շիրվանի և նրանց գավառների կաթողիկոսությունը իրենց (Գանձասարի կաթողիկոսությունը - Լ.Մ.) է պատկանել։ Ուշքիլիսայի (Էջմիածնի) կաթողիկոսը սուտ տեղեկություն է տվել և հրովարտակ է ձեռք բերել, որով այս բոլոր նահանգները ենթարկել է իրեն։

Դրա վերաբերյալ խնդրագրի հետ մեկտեղ ներկայացրեց Աղվանքի հայերի բազմակնիք համախոսականը, որտեղ ասվում էր, որ նրան (Պետրոս կաթողիկոսին-Լ.Մ.) են միայն ենթարկվում։ Մուշիների (արքունի դիվանի կառավարիչներ-Լ.Մ.) կողմից մեզ հայտնվեց, որ այն մատյանը, ուր գտնված էին Ղարաբաղի, Գանձակի, Շիրվանի վերաբերյալ հրամանները, մնացել է Սպահանում և մեզ հետ այստեղ՝ Թեհրանում է։ Մեր դիվանից մեզ ծանուցեցին, թե առաջին մեծամեծ արքաների շնորհված հրովարտակների համաձայն՝ կաթողիկոսությունը տրվել է հերթականորեն Հովհաննեսին (Հովհաննես Զ Հասան-Ջալալյան (1594-1633)-Լ.Մ.) և նրա հետևորդներին։ Այդ պատճառով մենք ևս Ղարաբաղի, Գանձակի, Շիրվանի հայերի կաթողիկոսությունը անբեկանելի հրովարտակով շնորհեցինք Պետրոս կաթողիկոսին։

Եվ դուք, այս երկրների հայեր, Պետրոս կաթողիկոսին ձեզ կաթողիկոս ճանաչեցեք, նրա օրինական խոսքը կատարեցեք և այլևս հրաման մի խնդրեք։ Գրվեց Հիշրայի 1074 թ-ի ուսմազան ամսին (1664թ.-ի մարտի 28-ապրիլի 27)²⁰։

¹⁹ Նույն տեղում, թղթ. 2, վավ. 47։

²⁰ Նույն տեղում, թղթ. 2ա, վավ. 57։

Այս հրովարտակը ցույց է տալիս.

1. Էջմիածինը «սուտ տեղեկության» հիման վրա է ձեռք բերել այս թեմերը:

2. Պետրոսը ներկայացրել է «Աղվանքի Հայերի բաղմանիք մահասրը» (Համախոսականը):

Այստեղից կարող ենք եզրակացնել, որ Գանձակի, Շաքիի, Շիրվանի Հայկական Համայնքները նույնպես կողմ են եղել վերստին Գանձասարի կաթողիկոսական աթոռին ենթարկվելուն:

3. Կարևոր կետը հրովարտակի այն Հատվածն է, որտեղ առավել է, թե «Աղբյուրն երկրի մատյանը», որտեղ պետք է գրանցված լինե՞ր նախնինում այս թեմերի պատկանելությունը Գանձասարին, Թեհրան չի բերվել, այլ մնացել է մայրաքաղաք Սպահանում: Հրովարտակում այս Հատվածի առկայությունը թերևս նշանակում էր, որ Հարցն ամբողջովին փակված չէ, և Էջմիածինը կարող է բողոքարկել այս որոշումը:

Իսկապես, Էջմիածնի կաթողիկոս Հակոբ Զուղայեցին (1655-1680). «բողոք կալավ առ Շահ-Սեֆի (Սեֆի Բ կամ Սուլեյման շահ (1666-94)) վասն տալոյ Աղուանից կաթողիկոսին վիճակն Շիրուանայ և Գանձակայ, առեր, թէ զայն տուեալ են կաթողիկոսունք Էջմիածնայ ժամանակաւոր, վասն ազատելոյ ի պարտուց զԱթոռն Գանձասարայ և ոչ ի սեփականութիւն նորայ)»²¹: Ուրեմն՝ Գանձակի և Շիրվանի թեմերը Գանձասարի կաթողիկոսությանը վերահանձնած Աբգաս Բ շահի մահից հետո Հակոբ Զուղայեցին բողոքել է նորընծա Սուլեյման շահին և թեև ընդունել է, որ այդ թեմերը պատկանելիս են եղել Գանձասարին, սակայն դա պատճառաբանել է նրանով, որ պարտքերը մարելու համար են (այն էլ՝ ժամանակավոր) դրանք Էջմիածնի կողմից տրվել Գանձասարին:

Շահը երկու կաթողիկոսներին կանչում է Սպահան: Այս անգամ ևս Պետրոսը կարողանում է ապացուցել վիճահարույց թեմերի պատկանելությունը Գանձասարի կաթողիկոսությանը:

Իր այդ տեղեկությունը հավաստի դարձնելու համար Վարդան Օճնեցին գրում է, որ Սպահանում հարցի քննարկման ժամանակ ներկա է եղել նաև Աղեքսանդր վարդապետ Զուղայեցին՝ ապագա Ամենայն հայոց կաթողիկոսը, որը, «ականատես եղև ամենայն գործոց վիճաբանութեանց նոցա, որ վերստին հրովարտակաւ շահին, համաձայն առաջին արքայից տուեալ հրովարտակացն, տուաւ վիճակ աղուանից նաև Շիրուան և Գանձակ»²²:

Սակայն Էջմիածնի և Գանձասարի կաթողիկոսությունների հարաբերությունները չեն խզվել՝ «երկուքին կաթողիկոսք ո՛չ քակտեցին զսեր ի միջոյ իւրեանց և ոչ բարձցին զնախնի սովորութիւն հպատակութեան Աղուանից ի սուրբ Էջմիածնայ»²³: Մակար Բարխուդարյանցը նույնպես գրում է, որ «Պետրոս կաթողիկոսը վերանորոգում է Աղուանից և Հայոց կաթողիկոսաց մեջ եղած նախնի հարաբերությունը՝ սուրբ Էջմիածնում ձեռնադրուելով և օծուելով»²⁴:

²¹ Մատենադարան, ձեռագիր 4331, էջ 10բ:

²² Նույն տեղում, էջ 10բ-11ա:

²³ Նույն տեղում:

²⁴ Մակար Բարխուդարյանց, Պատմութիւն Աղուանից, Հ. Բ, Թիֆլիս, 1907, էջ 66:

Աղվանից կամ Գանձասարի կաթողիկոսությունը նվիրապետական տեսակետից ստորադաս էր Ամենայն Հայոց կաթողիկոսությանը, որի կաթողիկոսների կողմից ձեռնադրվում էին Աղվանքի Հայրապետները՝ սկսած Գրիգոր Լուսավորչի թոռ Գրիգորիա եպիսկոպոսից: Ըստ Հաստատված ավանդույթի՝ Աղվանքի Հոգևոր և աշխարհիկ տերերի ժողովում ընտրվելուց Հետո այդ ընտրյալ եպիսկոպոսը մեկնում էր Ամենայն Հայոց կաթողիկոսի նստավայրը, օծվում կաթողիկոս:

Պետրոսը Գանձասարի կաթողիկոս է դարձել անմիջապես Գրիգոր Հասան-Ջալալյան կաթողիկոսի մահից հետո՝ 1653 թվականին²⁵: Սակայն Ամենայն Հայոց կաթողիկոսի կողմից, ինչպես Հաղորդում է Ջաքարիա Ագուլեցին, Պետրոսի կաթողիկոսության Հաստատումը տեղի է ունեցել Գանձասարի աթոռը նրա զբաղեցնելուց 19 տարի անց: «Թուփն ՌձիԱ յուլիսի ԺԴ-ումն (1672թ. Հուլիսի 14) վարդավառ կիրակի օրն ի սուրբ Էջմիածին Հակոբ կաթողիկոսն ժողով արար եպիսկոպոսաց, վարդապետաց, քահանայից, աշխարհականաց, մինչ Գ, Դ, Ե (3000-4000) մարդ կէր՝ խանի քարանձի, շատ երկրի մարդիկ եկին, որ այսօր սուրբ մեռն աւրհնեցին: Դարձեալ, Գանձասարու Պետրոս կաթողիկոսին գաւազան իշխանութեան տվեց, քանզի կաթողիկոսութիւն վարեր, ապալ օրենք չէր. այժմուս տվեց: Շատ ուրախութիւն՝ եղև, սիրով և՛ Հոժարութեամբ գնաց Գանձասար»²⁶:

Ինչպես տեսնում ենք, Հակոբ Ջուղայեցին Հայրապետական գաւազան է տվել Պետրոս կաթողիկոսին, ոչ թե օծել է կաթողիկոս, քանի որ Պետրոսը 1653թ. Աղվանքի եպիսկոպոսների կողմից օծվել էր կաթողիկոս: Հակոբ Ջուղայեցին, Պետրոսին ընդունելով օծյալ կաթողիկոս, նրան միայն Հայրապետական գաւազան է շնորհել, որը նշանակում էր Ամենայն Հայոց կաթողիկոսության կողմից Պետրոսի կաթողիկոսության Հաստատում: Գաւազանի շնորհումը Էջմիածնի կաթողիկոսական աթոռի գերագահությունը ցուցադրող ակտ էր:

1672թ. Էջմիածնում Հակոբ Ջուղայեցու կողմից Պետրոսին Հայրապետական գաւազանի ընծայումից առաջ էլ Հայոց երկու Հայրապետների միջև սերտ շփումներ են եղել: Համաձայն Ջաքարիա սարկավազ Քանաքեռցու՝ Հակոբ Ջուղայեցին իր՝ Հակառակորդ Օնոփրիոս՝ վարդապետին (որին ճարտասանության Համար Կարկուտ մականունն էին տվել) դատելու նպատակով կազմակերպված ժողովին հրավիրել էր՝ նաև Աղվանից Պետրոս կաթողիկոսին²⁷: Ջաքարիա սարկավազը չի նշում, թե որ թվականին է տեղի ունեցել Օնոփրիոս վարդապետի դատը: Սակայն նշում է, որ Օնոփրիոսին դատող այս Հոգևոր ժողովից հետո Նաջաֆ խանի փոխարեն Երևանի նոր խան է նշանակվում Ամիրզումա խանի որդին՝ Աբգաս խանը²⁸:

Աբգաս-զուլփ-խան Դաշարը Երևանի խան է եղել 1663-1666 թվականներին²⁹: Ուրեմն՝ այս ժողովը, որին մասնակցել է նաև Պետրոս կաթողիկոսը,

²⁵ Ըստ Սիմեոն Երևանցու, նույն՝ 1653թ.-ին էլ Պետրոսը Աղվանից կաթողիկոս է Հաստատվել Ամենայն Հայոց Փիլիպոս կաթողիկոսի կողմից (Սիմեոն Երևանցի, Ջամբու, Վաղարշապատ, 1876, էջ 79):

²⁶ Ջաքարիա Ագուլեցու օրագրությունները, Ե., 1938, էջ 108:

²⁷ Ջաքարիա սարկավազի պատմություն, հ. 2, Վաղարշապատ, 1870, էջ 66-70:

²⁸ Նույն տեղում:

²⁹ Հայկական Մովսեսական Հանրագիտարան, հ. 3, Ե., 1977, էջ 571:

գումարվել է էջմիածնում 1662 կամ 1663 թվականին: Այս փաստից թերևս հետևում է, որ էջմիածինը ընդունում էր Պետրոս Խանձքեցու կաթողիկոսական իրավունքները Գանձասարի աթոռի նկատմամբ, բայց միայն 1672 թվականին է իրավաբանորեն ճանաչել դրանք, երբ Պետրոսը, Հակոբ Զուղայեցու կողմից կաթողիկոսական գավազան ստանալով, ընդունել է էջմիածնի կաթողիկոսի գերագահությունը:

Գանձասարի կաթողիկոսության՝ Գանձակի և անդրկուրյան թեմերը վերադարձնելուց և էջմիածնի կաթողիկոսության հետ հարաբերությունները բարելավելուց բացի, Պետրոս կաթողիկոսը ակտիվորեն և հաջողությամբ զբաղվել է կաթողիկոսության ներքին կարգականոնի վերականգնմամբ՝ անհրաժեշտության դեպքում անմիջապես դիմելով շահին:

1661թ. Հուլիսին Պետրոս կաթողիկոսը կարգավորում է Դագիվանքի, Խաթրավանքի և մի խումբ հոգևոր աշխարհիկ հողատերերի վեճը: Վանքերի հողային սեփականության մի մասը վիճարկող այս խումբը պարտավորագիր է տվել Պետրոս կաթողիկոսին, որով վերջիններս պարտավորվում էին դադարեցնել դեռ իրենց նախնիների կողմից սկսած «վանքի ու թեմի դաշին» և բավարարվել Ատրենիս, Ըռուցիոր, Քավթառանց, Հաճավ, Բորու, Քարավաճառ, Գումերն, Զվար գյուղերի մուլքերով (այս բոլոր գյուղերը գտնվում են Մարի գավառում՝ ներկայիս Քելբաջարի շրջանի տարածքում-Լ.Մ.)²⁹:

1669 թվականի օգոստոսին Պետրոս կաթողիկոսը դիմում է Սուլեյման շահին՝ բողոքելով, որ Ղարաբաղի, Զարուզգրի (Մարի գավառի-Լ.Մ.)՝ և Շամախու մոտակայան իշխանավորները՝ կրոնական հալածանքի են ենթարկում նույն գավառների հայերին և թույլ չեն տալիս հայոց եկեղեցու ծեսերի կատարումը:

Սուլեյման շահը Ղարաբաղի բեկլարբեկ Ուղուրու-խանին ուղղված հրովարտակում հայտարարելով, որ քրիստոնյաներին կրոնական հալածանքի ենթարկելը դեմ է շարիաթի կանոններին, հրամայում է քննել Պետրոս կաթողիկոսի բողոքը և սանձել մոտակայան իշխանավորների և ավատատերերի կրոնական մոլեռանդությունը³⁰:

Շահը մեկ այլ հրովարտակով հարկերից ազատում է Գանձասարի վանքը և հրամայում է Ղարաբաղի բեկլարբեկին՝ դարուղաներին ու քեղխուղաներին ոչ մի նեղություն չտալ և հարգանքով վերաբերվել Ղարաբաղի Հայ հոգևորականությանը³¹: Վանքն ազատվում է այն բոլոր հարկերից ու պարտավորություններից, որոնք պարտադիր գանձվում էին բնակչության այլ խավերից: Սուլյն հրովարտակից կարող ենք եզրակացնել, որ վանքին տրվում էր հարկային իմունիտետի (մուաֆուկյան) իրավունք:

Պետրոս կաթողիկոսը պայքարում է նաև այն ընչասեր հոգևորականների դեմ, որոնք իրենց նյութական շահախնդրությունից դրդված՝ մասնատում էին եկեղեցական թեմերը:

Լեռնային Ղարաբաղի Հանրապետության Մարտունու շրջանի Հերհեր գյուղի Սուրբ Գրիգորիսի եկեղեցու բնափ վրայի արձանագրությունից տեղեկանում ենք. «Կաման Աստուծոյ, ես Պետրոս կաթողիկոս Աղուանից սուրբ աթոռոյն Գանձասարաց, նորոգեալ սուրբ աթոռս Ամարասայ՝

²⁹ Մատենադարան, Կաթող. դիվան, թղթ. 240, վավ. 160:

³⁰ Նույն տեղում, թղթ. 2ա, վավ. 76, Սարգիս Զալալեանց, նշվ. աշխ., էջ 491-492:

³¹ Մատենադարան, Կաթող. դիվան, թղթ. 2ա, վավ. 77:

արհիեպիսկոպոսութեանն ըտլոր նահանգի Վարանգու և Քոչիզու, քանզի փեռեկտեալ և պատառեալ էին զվիճակ սորին՝ արարեալ ըստ իւրաքանչիւր կամաց: Իսկ մեք զցանկ հայրենի նորոգեալ, ժողովեցաք, նորոգեցաք: Ջսիրելի աշակերտս մեր զտէր՝ Բարսեղ արհիեպիսկոպոսն ..., որ հրամայեցաք սմա շինել զեկեղեցիս հուարան Ամարասայ, զոր և շինեալ կատարեաց, ըստ մերում հրամանի, յաուր տաւնի այլակերպութեան Քրիստոսի և աւրհնեցաք զսուրբ տաճարս, անուանելով զսա Գրիգորիս, բերելով ի նշխարաց սրբոյն Գրիգորիսի, ամփոփեցաք երկրի Վարանգու և Քոչիզու, զի եղիցի այս երկու աթոռս մի»³⁴:

Պետրոս Խանձքեցի կաթողիկոսի այս գործունեությունը նպաստում էր Գանձասարի կաթողիկոսության հոգևոր ազդեցության աճին և վանական տնտեսության զարգացմանը: Պետրոս Խանձքեցու օրոք մեծ թափ ստացավ կիսավեր վանքերի վերականգնումը և նոր եկեղեցիների կառուցումը: Վերականգնվեց Մ զարի վանական համալիր Ամարասը³⁵: Կառուցվեցին Խաչենի զավառի Առաջածոր պուղի Սուրբ Աստվածածին (1668թ.)³⁶, Պետրոս կաթողիկոսի ծննդավայր Խանձք պուղի Սուրբ Ստեփանոս (1673թ.)³⁷, Վարանդայի Հերհեր պուղի Սուրբ Գրիգորիս (1673թ.)³⁸, Փառխոսի Հին Փխիի պուղի (1670թ.) 40՝ եկեղեցիները և Զարեա անապատի զանգավատունը (1659թ.)³⁹:

Գանձասարի կաթողիկոսության վարկի ցւ հեղինակության աճի արտահայտությունն էր նաև այն, որ Նոր-Ջուղայի հայ առևտրական ընկերությունները Ռուսաստանում իրենց առևտրային գործառնությունները կարգավորելու համար դիմում են ոչ թե Հակոբ Ջուղայեցուն, այլ Գանձասարի կաթողիկոս Պետրոս Խանձքեցուն, որը 1672թ. դեկտեմբերի 2-ին նամակ է գրում Ալեքսեյ Միխայլովիչ ցարին, որտեղ խնդրում էր հովանավորել Նոր-Ջուղայի՝ Ռուսաստանում առևտրով զբաղվող խոջաներին և ամբողջ հայ ժողովրդին⁴⁰:

Պետրոս Խանձքեցու օրոք Գանձասարի կաթողիկոսության ծաղկման մասին վկայում է նաև Ամենայն հայոց կաթողիկոս Աղեքսանդր Ջուղայեցին (1706-14թթ.), որը իր կոնդակներից մեկում գրում է, որ Պետրոս կաթողիկոսի օրոք միայն Գանձասարի վանքն ունեցել է 80 միաբան, բազմաքանակ եկեղեցական սպասք և դրամ⁴¹:

Ձի չափազանցում գրիչ Գրիգոր Երեցը, որ Պետրոս կաթողիկոսին կոչում է «կրկին լուսավորիչ, որ խնամօք Աստուծոյ և շնորհօք Սուրբ Հոգւոյն և բարի քաղաքականութեամբն իւրով լուսաւորեայ զխաւարեալ տունս Աղուանից և պայծառացոյց զեկեղեցիս կարգաւորութեամբն»⁴²:

* Քոչիզը Մովսեսի պուղի նախկին անունն է, գտնվում է Մարտունու շրջանի Հերհեր պուղից մի քանի կիլոմետր հյուսիս: Այս պուղում է գտնվում Մելք-Փաշայանների տոհմական դամբարանը (Մակար Բարխուտարեանց, Պատմութիւն Աղուանից, էջ 106):

³⁴ Դիվան, արձանագրություն 580, էջ 168:

³⁵ Մատենադարան, Կաթող. դիվան, թղթ. 240, վավ. 132:

³⁶ Դիվան, արձանագրություն 271, էջ 89:

³⁷ Նույն տեղում, վավ. 484, էջ 143:

³⁸ Նույն տեղում, արձանագրություն 571, էջ 164:

³⁹ Նույն տեղում, արձանագրություն 1036, էջ 269:

⁴⁰ Նույն տեղում, արձանագրություն 1035, էջ 268:

⁴¹ Армянско-русские отношения в XVII веке, т. I, Е., 1963, с. 91-92.

⁴² Մատենադարան, ձեռագիր 4331, էջ 15բ-18բ:

⁴³ Հայերեն ձեռագրերի Ժ-Ղ դարի հիշատակարաններ (1641-1660), Հ. Գ. Ե., 1984, էջ 851:

**ГАНДЗАСАРСКОЕ ПАТРИАРШЕСТВО ПРИ КАТОЛИКОСЕ
ПЕТРОСЕ ХАНЦКЕЦИ (1653–1678гг.)****Л.А.МКРТУМЯН****Резюме**

Вопреки бытующему мнению, патриарх Петрос Ханцкеци не принадлежал к роду Хаченских. Гасан Джалалянов, которые с конца XIVв. наследственно владели престолом Гандзасарского патриаршества.

Петрос Ханцкеци получил право занимать патриарший престол только после того, когда был усыновлен патриархом Григором Гасан Джалаляном (1634–1653).

Деятельность Петроса Ханцкеци была направлена на то, чтобы вернуть земельные наделы Гандзасарского патриаршества.

Эчмиадзинский католикосат пытался подчинить своей власти некоторые епархии Гандзасара, в результате чего эчмиадзинский патриарх Акоп Джугаеци (1655–1680) вынужден был признать принадлежность этих епархий Гандзасару, а также патриаршеское звание Петроса.